

禮拜供養欲問世尊諸善法要舍利子是時
 最上衆如來已般涅槃時彼菩薩而伸請問
 諸大比丘及善男子最上衆如來已涅槃耶
 善男子我最上衆如來已般涅槃菩薩聞是
 語已悲啼號泣悶絕躄地良久乃蘇時彼菩
 薩憶念如來說伽陀曰

我佛明照於世間 超一切法登彼岸
 諸放逸行已遠離 清淨妙果得成就
 我於百千俱胝劫 難值如來出世間
 不逢供養深障深 自捨如來誰救護
 世間慈母非善友 亦不稱讚於如來
 多生正法未曾聞 於佛世尊難值遇

世間慈父非善友 令我耽著於五欲
 隨順五欲增染心 使我不見如來相
 我佛六十種妙音 未嘗得聞於佛所
 故於善惡不能知 令我永沒生死海
 復於多劫不遇佛 於諸世間生慙念
 發慙念中悉能行 了一切法到彼岸

我於俱胝多劫中 不曾親近供養佛
 以放逸故歷多生 由是深障不見佛
 我聞如來出於世 到佛所已般涅槃
 父母恩愛為所纏 令我不得見調御
 若值如來久住世 我必得聆於正法
 廣修供養親近時 六十妙音聞具足

六十妙音本清淨 三世如來咸具足
 我雖生住於世間 不得親聞梵音響
 我生緣業多重障 佛滅度已而來此
 諸佛正法載甚深 無能開示於我等

佛說大乘菩薩藏正法經卷第二十二

僧製書

佛說大乘菩薩藏正法經卷第二十三

持戒波羅蜜多品第七之六

復次舍利子時彼菩薩摩訶薩說是偈已而
 更前詣最上衆佛般涅槃所頭面禮竟涕淚
 交流遶百千匝却住一面復說伽陀曰

魏三

一

如來於諸有情中
我今發起真實心
佛具大智真實身
志發誓願等如來
我昔曾於俗舍中
現招劣弱深鈍根
善說最上真實法
願求無上菩提果
今滅度已我不見
當獲殊妙諸相好
於如來法不恭敬
致諸魔障來憍惱

今我未得聞正法
願得親觀調御師
我今發是誠實語
證明我此真實心
願我當承善根力
聞正法已獲神通
無量苦惱常逼迫
發起宿植善根本
對諸八部天龍眾
願獲當來真實果
得見最上人中尊
如大龍故注甘雨

願我不墮八難中
於佛常生諦仰心
願我常於諸佛所
潔白之業速圓成
願我速獲真實語
當坐菩提大道場
遠離一切諸欲染
惡魔重障無能縛
親得聞持正法藏
無邊佛慧皆通達
以真實故得成佛
說真實法利含識

願我早同最上眾
俱胝天眾圍遶時
佛神通力難思議
願以讚歎功德因
佛神通力無有量
以上妙法令我聞
振神通力大千界
獲利益者心歡喜
住虛空中復難見
放淨光明照我等
愍念有情常顯現
億千萬偈歎無盡

復次菩薩摩訶薩心生歡喜轉復增進說伽
陀曰

若我往昔承記別
一切有情隨我心
真淨境界不思議
眾生若發如是心
現生當得成佛道
所修供養皆圓滿
求菩提者當趣入
無量如來常再見

復次舍利子是菩薩摩訶薩昔曾於諸佛所
深種善根親近供養皆悉成辦無量根力於
此沒已得生天界二十俱胝劫不墮惡趣二
十俱胝劫不就五欲之樂復於往昔親近供
養七千如來於一一如來所廣大成辦諸供
養事為求無上正等正覺於一切時常修梵

魏三

二

行以是往昔善根力故得成阿耨多羅三藐
 三菩提號曰娑羅樹王如來應供正徧知明
 行足善逝世間解無上士調御丈夫天人師
 佛世尊十號具足出現於世彼佛會中有諸
 聲聞皆來集會復有二十俱胝比丘與大阿
 羅漢四萬人俱諸漏已盡無復煩惱逮得已

利盡諸有結心得自在到於彼岸舍利子彼
 娑羅樹王如來壽命二十俱胝歲般涅槃後
 正法住世滿壹萬歲像法住世亦復如是全
 身舍利流布世間普徧供養廣作佛事爾時
 世尊說伽陀曰

我於二十俱胝劫 不曾墮於諸惡趣

二十俱胝劫數中	亦不耽著於五欲
七千如來當住世	於彼時中般涅槃
修梵行故得成就	常與有情獲法欲
今我得成菩提道	故號娑羅王如來
二十俱胝劫數中	安立有情菩提果
覺悟菩提最上因	饒益一切有情故

二十俱胝歲數中	當為有情常說法
常與四十俱胝衆	同坐道場宣正法
諸漏已盡悉無餘	獲得涅槃殊妙果
三世如來身舍利	我嘗建塔六十千
復立俱胝數寶幢	於萬年中伸供養
正法住世一萬歲	諸有智者獲利益

三

三

清淨妙音宣演時 普獲聞者心歡喜
 復次舍利子菩薩摩訶薩圓滿清淨戒行於
 一切有情而生對治於父母所不生貪愛於
 諸有情發起對治於諸欲境不生耽著菩薩
 摩訶薩云何是欲法云何對治法欲法者謂
 眼觀色欲耳聽聲欲鼻嗅香欲舌了味欲身

著觸欲而生和合於此和合而生耽著是名
 欲法既生耽著而被纏縛於諸纏縛生決定
 想此纏縛法畢竟虛假由貪迷故深樂纏縛
 此纏縛法忽有三種謂淺深極深諸有情等
 應當遠離此纏縛法又色是纏縛聲香味觸
 皆是纏縛云何色是纏縛所謂成就身命色

故生於我想補特伽羅想壽者想常想不壞
想決定不變想塵境物想薩伽羅想五蘊想
此等皆是色法纏縛又色是纏縛成就身命
色法故所謂世間諸有欲法愛著身命妻孥
眷屬是名色法纏縛乃至觸欲皆是纏縛諸
有染緣而漸成就諸不善業而皆積集耽著

諸欲不能暫捨舍利子云何是欲無過失謂
潔白清淨欲無過失然於惡趣不生愛著云
何於惡趣中不生愛著謂欲無過失舍利子
諸有情等於諸欲事而常親近無有少分不
曾暫捨由此業報遍受苦果舍利子於千世
界次第伺察遍觀察已諸惡朋友無有一人

可比於妻何以故舍利子一切有情由愚癡
故諸有智者而常毀棄是故當知顯現正法
諸無智者而常攝受是故當知顯現非法諸
有爲法男女妻妾互相耽著而生愛樂邪道
攝受男女妻妾數數愛取障難出離障難持
戒障難修定障難生天障難涅槃障難一切

潔白之法又復攝受奴婢眷屬以要言之又
或攝受惡友爲地獄餓鬼畜生之所攝受又
復攝受男女妻妾即彼攝受一切雜染諸不
善根又復攝受男女妻妾乃至飲食盡其邊
際而爲障礙欲見如來而爲障礙欲聞正法
而爲障礙欲近聖衆而爲障礙佛之知見清

三

四

淨潔白之法一切聖衆由障礙故皆不能見
於時分中欲求成就而爲障礙求七聖財而
爲障礙於不正信法返生攝受乃至破戒慳
吝惡慧無慚無愧皆悉攝受於非七聖財返
生攝受又復攝受男女妻妾即彼攝受疾病
瘡疣疼痛猛火毒蛇諸苦又復攝受男女妻
妾所住舍宅猶如塚間於其塚間發悲號聲
無諸親友乃生聽受增長癡迷是虛幻法於
諸善法而爲障礙以要言之舍利子破戒之
人諸有惡法如世霜雹毀一切物破壞善法
亦復如是又復耽著男女妻妾如貪味人舐
於利劍食熱鐵團諸不淨物又身垢穢以貪

著故用香花燈塗而自供養如地獄中極大
 苦器而自嚴飾又復於諸奴婢攝受驅使又
 復攝受黑瘦惡人種種毀弃又復攝受駝驢
 猪狗種種畜類即是攝受一切苦惱又復攝
 受男女妻妾者舍利子決定寧入千踰繕那
 極大猛焰熱鐵城中不應攝受父母男女妻

妾常起如是染愛之心即便墮落何況領受
 諸觸境事何以故諸苦所因以貪染法為諸
 根本損善法根本憂悲苦惱根本繫縛等
 法根本穢惡根本生盲根本而非慧眼潔白
 根本如常履踐熱鐵地上悉令人墮落邪
 道以何因緣說名為妻妾所作為如負重擔

魏三

五

虞良

而能忍受又甘領納任持重擔長時不捨受
 諸苦惱逼迫身心為其損害如是因緣說名
 為妻妾如有情由起愛故返為奴僕由就著
 故不得自在被諸打縛皆悉信伏倍生欽仰
 隨諸走使如是因緣說名為妻若具足說廣
 大無量舍利子又重擔者所謂五蘊色受想

行識而此五蘊名大重擔不能棄捨男女妻
 妾宿因緣故而為眷屬舍利子此為破戒緣
 壞正行緣不正見緣樂飲食緣地獄餓鬼畜
 生緣作勝慧障閉涅槃門以是因緣集一切
 苦說此名為宿因眷屬又舍利子母之種族
 亦多過失說此種族無量無邊幻化等事有

人隨順則生過失諸有魔事如在掌中波旬
 眷屬及諸魔女種種幻惑多種過失以輕掉
 心侮戲心顛狂心猿猴心善能顯現如是幻
 惑以是因緣故說名為母之種族舍利子又
 此幻惑亦名聚落而建王城四衢道陌人民
 世界廣大無量不可思議以是因緣故說名

為幻惑聚落舍利子如是幻惑諸欲過失應
 墮惡趣舍利子譬如幻師作幻惑事而於眾
 中備諸幻具廣能顯現種種幻事女人幻惑
 亦復如是舍利子世間有情見彼女人而被
 纏縛或時聞聲或時手觸或時歌舞起心愛
 著或時和合起諸幻惑或時啼泣行住坐卧

於一切處悉被纏縛供給走使返為奴僕舍利子譬如世間成熟苗稼遭大雨雹之所損壞舍利子母之種族亦復如是而能損壞夫之種族亦能損壞一切潔白之法舍利子諸欲過失應墮惡趣一切愚夫不能了知而返播受妻妾眷屬舍利子此諸菩薩於諸欲過

失無義利事以方便力而能遠離云何一切愚夫異生棄背正法返生愚癡非丈夫想應於一切佛菩薩摩訶薩所作丈夫想應當棄捨非丈夫想不應生諸瞋恚之想於諸善趣作大丈夫起諸正行不於惡趣作非丈夫起諸邪行不於地獄餓鬼畜生起諸趣向不於

魏三

六

破戒起諸趣向不樂於破戒象中而暫安住唯樂於最上最勝一切無上正法無障無礙佛慧而起趣向而樂對治諸不善法起諸趣向願我當來作獅子吼不樂隨順諸不善法作異獸吼願我當來如佛顯現金色之身不作異生凡夫之身常為世間導善之首又於

人中無諸險難安然寢膳無所乏少常得清淨諸妙飲食皆悉豐足亦不厭捨世間麤糲飲食常願於寂靜處修習禪定速得成就最上最勝妙三摩地專注一境遠離動亂諸惑障染常得遊戲諸佛定門亦復遠離聲聞緣覺諸有定門不樂依止一切愚夫異生諸有

定門亦不樂著色受想行識五蘊而住不樂依止地水火風空識而住不樂依止欲界色界無色界而住亦不樂於此界他界而住雖復於彼見聞覺知妙觸境界及所證得寂靜思惟亦復不樂依止而住願常依止如實靜慮之者雖樂修定於自他身常無損害願常

圓滿佛之智慧所有欲界諸有為事悉不願樂舍利子菩薩摩訶薩智者有四種出離法何等為四一者出離欲界二者出離一切有情界三者出離知恩不報而不親近四者出離一切苦行應當發報此之四種出離之法舍利子菩薩摩訶薩住惡趣中見諸殊妙母

魏三

七

之種族亦不發起貪愛之心應當發起四種之想何等為四一者損減想二者險難想三者便利不淨想四者膿血穢汗想舍利子菩薩摩訶薩住惡趣中又應發起三種之想何等為三一者如母想二者如姊想三者親女想應當發起此三種想如是舍利子菩薩摩

訶薩而常善說修習思惟及諸經典悉應信受我觀世間無有一人於無量劫來非母能生非父能育至於一切有情循環養育一切有情亦悉曾為我之父母或於往昔曾名為母至於今生返名為婦彼諸行人應當修學與諸愚夫異生我當住於不相違行如是行

相隨順於此貪愛為心內心專注作是思惟所謂貪愛之心彼云何見生與未生若或貪愛眼中諸色彼諸行人內心堅固應當伺察於自眼中而生愛著云何眼中而生見見云何自性而見自性云何自眼而見自眼如是自眼四大所成仗眾緣故而非自性既非自

性而生愛著愛著之心亦非自性何以故彼性非有此心亦無由差別故而生愛著諸愚夫異生由不了故住無分別我今樂住有分別中而生進求何以故如是色相非功德法是欲思惟爾時世尊說伽陀曰
互相和合為一義 此中無有義差別

亦非內外堅固生 由貪愛故名積聚云何真實中真實 而於四大生愛著此法猶如於瓦木 是中不生愛樂心由我執故生徧計 從不真實為積聚不真實中貪愛生 真實貪愛不可得設於十方徧尋求 真實貪性不可得

經三

八末

於不真實計執已 貪愛心生還積聚彼若如是生伺察 循環於此徧推窮隨諸增勝推窮時 真實貪愛不可得

僧明戒書

佛說大乘菩薩藏正法經卷第二十三